



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Manuale Parochorum, Sive Institutiones & Praxes Tum Vitæ, tum Officii Pastoralis

Musart, Charles

Monachii, 1654

VI. De quibus monendus moribundus post sacram Vnctionem.

**urn:nbn:de:hbz:466:1-41616**

(prout paulò antè docui) sub vnâ interim totali formâ adhibeas: quam in rem alicubi vsui est bacillus oblongus, cum nodo argenteo ad extremitatem, quem aliquis apud infectum, è propinquo dirigat ad vngendos sensus, & quem deinde vel bombaceo comburendo detergas, vel ad ignem iustres, præsertim si Episcopus eo instrumento vti permittat. Singulare est boni Pastoris in hoc genere exemplum S. Caroli Borromæi, qui in eâ contagione, quæ Mediolanum depopulata est anno 1576. non modò temporalia ex suâ etiam suppellectili, sed propriis quoque manibus lue infectis Confirmationem, Viaticum, Extremam denique vnctionem administrabat.

## NUM: VI.

*De quibus monendus moribundus post  
Sacram Vnctionem.*

Finis Vnctionibus, & iis precibus, quæ in Rituali præscribuntur, si

K 3

perfo-



personæ, morbi, temporis ratio patia-  
tur; quædam perpauca, ne infirmus  
defatigetur, mone. 1. vt Deo gratias  
agat, quòd huius Sacramenti benefi-  
cio, & gratiâ sit præmunitus. 2. vt  
gratiam acceptam magno studio, &  
curâ conseruet. 3. vt proinde tenta-  
tionibus, si quæ obuient, fortiter  
resistat; non enim coronabitur, nisi  
qui legitimè certauerit: Et, qui per-  
seuerauerit vsque in finem, hic saluus  
erit. 4. imposterum sæpe eliciat actus  
fidei, protesteturque, se in eâ velle  
viuere, & mori: item eliciat actus  
spei crebros; confitendo, se vitam  
æternam consecuturum, non suis,  
sed Christi meritis. Præterea formet  
actus frequentes amoris Dei super  
omnia, propter quem resignet se to-  
tum, conformetque diuinæ voluntati;  
simul vitam, mortemque suam, omnes-  
que morbi molestias D E O offerat, in  
memoriam Passionis Christi, & satisfa-  
ctionem suorum peccatorum. De-

niquè



niq̄ue moneas, vt Sanctorum quoque  
preces, & auxilium imploret; præser-  
tim Matris Dei, Angeli Custodis,  
reliquorūmq; Patronorum: ab eo ve-  
rò discedens præbeas osculandum  
Crucifixum, asperge aquâ iustrali, si  
quod habes numisma sacrum, aut  
granum benedictum cum indulgentiis,  
pro articulo mortis, illi commodee,  
vt vtatur; quem in vsum semper de-  
feres, cūm adibis moribundos. Ad  
extremum bene valere iube, & prom-  
ptum te offer in quodcunque tempus;  
si quando præsentiam tuam sibi sola-  
tio fore existimabit. In discessu ab  
infirmo, de iisdem rebus instrue do-  
mesticos, vt in tuâ absentia eadem  
præstent, neque negligent te reuoca-  
re, si opus, vel commodum viderint;  
interim precibus vacent: si verò nec-  
dum testamentum scriptum sit,  
id fieri optimo modo  
curent.